

## Akugu 'Ba Polo Zi Kanisa Ma KOLOSE

<sup>I</sup> Ma Polo mo ame Boko'ba kigeli ma 'deni go ako'doko abo ro bo laja 'ba Yesu Kurisitö ne, ze ti löndö ze Timatiyo na me <sup>II</sup> dedä dugu waraga nime ziye kpe bilaka 'ba Boko'ba ame ga mi Kolose ne, kpe ame ga 'deni ro löndö ma ki'di dönni go lende 'ba Kurisitö ne. Yeyi ti lende keyi 'ba Boko'ba 'bu ze koloma koto tiye.

### *Mötu Ti Yëë'di*

<sup>III</sup> Dëdi nduwë dileki yëë'di kembe zi bo Boko'ba 'bu 'ba Yesu Kurisitö ñere ze mi mötu ko'do ze goye. <sup>IV</sup> Römöyi duwö lende mo 'deni ma ki'dike doye go kö'du 'ba Yesu Kurisitö, k'o'ke bilaka 'ba Boko'ba pili <sup>V</sup> mi komo ki'di go yeyi nime kikeki 'deni dömöyi ye mitoro ne. Lende mo ga na kuwöke 'deni tönë mi kada ma gogo laja laka 'ba Boko'ba mo kömö ziye. <sup>VI</sup> Laja laka ëdi kita'ba 'deni ngi kana kote mi doliño kozo ma këdi kana gbi mi löngö ye yayi kisaki molo di mi kada mo tönë dogba kuwöke teyi kikalike go yeyi 'ba Boko'ba laka ne. <sup>VII</sup> Eapora bo laja lepä ze ma do'o kulöwö ne na kiyandi ye timo. Bo inda'ba laja 'ba Kurisitö 'deni do mi koto bo kiyandi ye. <sup>VIII</sup> Ako'o nima Nyi Koto Laka ki'di ziye ne bo na kiya gomo zize.

<sup>IX</sup> Go kö'du mo na me dedä dumötu 'deni nduwë goye molo tönë duwö lende 'be ne. Dititi

bo Boko'ba kodo akikali 'ba ako'doko abo lo miye keddike ti akikali pili mi Nyi Koto Laka. <sup>X</sup> Kina 'do loma 'be kedı ko laka ro 'ba bilaka abo 'ba nere Boko'ba ko'bo tiyeyi doki'di bo, lende ko'do 'be ga pili kedı ro ma laka ti akikali mo nduwė ro do kiteli. <sup>XI</sup> Dumotu bo Boko'ba tigo lobu do kiteli abo kogbo ye to kpe kitigo, kombike gomo ti doki'di keddı ti lonjo, <sup>XII</sup> kilekike yee'di zi bo romoyi bo ilejo ye 'deni tinda'ba wa tonė ga kikeki zi bilaka abo ga mi nere lobu abo 'ba bi koro ne. <sup>XIII</sup> Bo na komo ze 'deni kolo ze di mi tigo 'ba nere 'ba bi kolu ko'de ze mi nere lobu 'ba kole abo nime bo ko'co kulowo ne. <sup>XIV</sup> Ti bo kole mo na me kutė goze 'deni kola ze go lende kenyė ze ga.

### *Yesu Na Ro Kinė Boko'ba*

<sup>XV</sup> Kinė Boko'ba botu o'ja dē, tine kole abo na ro kinė bo mo ame kileme 'deni zize. Bo na ro kole dandende 'ba Boko'ba ro bo do wa pili. <sup>XVI</sup> Romoyi ti bo na me wa pili 'ba mitoro ni ti doyayi ko'ba ronni, ma ko'ja kinė mo kpaki ti ma kinza ko'ja kinė mo dē naga, pili ro go malayika ni ti wa ma ti kōzi kakpa ti tigo naga. Ti bo na me wa pili ko'ba ronni 'deni toro bo. <sup>XVII</sup> Gba kinza wa naga nime ko'ba ronni dē bo edi 'deni molo yayi. Ti bo na me wa naga nime pili kedı mi go bi mo ga ne. <sup>XVIII</sup> Kozo ame do na do yida ro ne tara, bo na ro do kanisa. Bo na ro tisaki mo, bo na ro dandende 'ba todo di mi tole 'do bo na kedı ro lobu do kiteli do wa pili. <sup>XIX</sup> Go akiteri abo 'ba Boko'ba na ma bo koweli kole abo nime kolo kinė bo pili teyi. <sup>XX</sup> Ti bo kole na me Boko'ba ko'de wa pili 'ba mi doyayi ni ti mitoro 'deni kinda'ba

minni koto ti bo go lende 'ba roma kole abo nime kulöwu bine do ngëri ne.

**XXI** Ne ma 'beye, tonë pa bine kpe ro ma kowo di ro Boko'ba ro bo ya abo ga. Meri 'be ti lende ko'do 'be ga pili ro ma kënyë. **XXII** Ne pele tara bo ënyï ko'de ye 'deni tinda'ba miye koto ti bo ti tolë 'ba kole abo ame yida romo kolë bine ne. Bo o'de ye 'deni go këddike zi bo koto laka kinza a ma kënyë moto komo bo. **XXIII** Tine ziye ti tö'bö mi kori 'ba ti'di do go lende abo, kinza kebe kuyike kpeye de kpe 'böwu yaga di ro yëyi mo tonë këddike ti komo ki'di gomo mi kada ma laja laka 'ba Boko'ba komo ziye ne. Laja laka uwöwö röni 'deni kote mi doyayi, ame ma Polo gbi ro bo laja mo ne.

### *Polo Bo Laja*

**XXIV** Kina me le'jete ma ngi ro loho go gomo nime medï mombi go lende 'be ne. Ti mo'do ngi ndo mote koso gomo 'ba Kurisito ma kileke gba nime mi yida roma go kö'du 'ba yida ro bo ame ro kanisa ne. **XXV** Ma 'deni ro bo laja 'ba kanisa. Boko'ba na ki'di ma 'deni kpamo 'do tuwöwö laja laka abo pili ziye. **XXVI** Mi kada 'ba 'bu ze löbu tonë ga pa bine laja laka nime oloma 'deni ro ma kusu. Tine ma le'jete ileme 'deni yaga zi bilaka abo ga. **XXVII** Ako'doko abo 'ba Boko'ba na 'do lijë kikali 'jo 'ba lende kusu abo tonë ame yëyi ma löbu kedï zi ma kinza kikali bo molo naga. Omba lende ma kusu mo tonë na me, Kurisito edi 'deni miye. Kina ti këddike ngi ti komo ki'di go löbu abo mo tonë.

**XXVIII** Lende 'ba Kurisito na me dedï duwöwö zi bilaka pili. Di'di komo kandi mo 'deni diyandi

wa 'doyi ti akikali mo ga 'dɔ ko'de yi mɔtɔ kɔmɔyɔ kɔpɔ yaga rɔ akɔtɔ ti Kurisitɔ kɔmɔ Bɔko'ba. **XXIX** Gɔ 'dɔ tɔ'dɔ mo na me mɛdɔ mulɔ dɔma mogbɔ rɔma ti tigɔ ame pili Kurisitɔ ki'di zɔ mi ndɔbɔ abo nime ne.

## II

**I** Mo'dɔkɔ ziye 'dɔ kikalike dɔ kulɔ ma nime laka ame mɛdɔ mulɔ dɔma gɔye kpe bilaka 'ba Kolose ni ti Lodikiya gbɔ ti ma konzi mɔtɔ ga ame kinza ko'ja kinɛ ma dɛ ne. **II** Mɛdɔ mɔcɔ miye gɔ kinda'bake dɔki'di ye ti kɔtɔ mi akɔ'ɔ 'dɔ kɛddike rɔ mɔri mi akikali ma laka tikali gɔ a 'ba Bɔko'ba tɔnɛ pa rɔ ma kusu, ame kina rɔ Kurisitɔ ne. **III** Bo Kurisitɔ na ki'di mɔri mbɛmbɛ 'ba Bɔko'ba nime 'deni ziye rɔ lende kicali abo.

**IV** Mɛdɔ miya ziye nime kinza kowasa ma kindili mɔtɔ ga kebe kɔtɔ ye ra yaga di mi kori nime. **V** Kɔzɔ ame pele yida rɔma kinza tiye yayi ne mɛdɔ tiye mi meri. Tine ma rɔ lɔŋɔ di bi tonɔɔ mo ma kɛddike ti mi kɔtɔ ki'dike dɔye 'deni ŋburu laka gɔ lende 'ba Kurisitɔ.

### *Loma Rɔ Akɔtɔ Ti Kurisitɔ*

**VI** Kina kɔzɔ ame kinda'bake Yɛsu Kurisitɔ 'deni miye rɔ ŋere ne, olomake ti rɔ akɔtɔ ti bo. **VII** Ogbɔke ŋgira'da ye kalo mi bo kubɔke rɔye ti bo. Ogbɔke rɔye kitigɔ mi ti'di dɔye gɔ lende abo kɔzɔ ma kiyandi ye timo kinza kilikoke dɔye dɛ. Ɔ'bɔke ti tileki yɛɛ'di rɔ dɔ kiteli zi Bɔko'ba.

**VIII** Onɔɔke laka kinza bɔtɔ kɔtɔ ye ra yaga di mi kori nime ti akiyandi rumɔ rɔ bɛti naga nima. Ame ka ŋgi rɔ 'ba dɔliŋɔ nime rɔ kɔ'du ki'di ni ti dɔlɛti ma mɔlo ne. Tine inza du te rɔ ma kako

di zi Kurisitö. **IX** Boko'ba na ma pili mi yida ro Kurisitö. **X** Kina me kpe 'deni ro akoto ti bo ne kpe na 'deni ti didi ma laka mo tonë. Bo Kurisitö na ro bo do malayika ni pili ti wa ame ga kedii ti koozi kakpa ne.

**XI** Tine tedi 'be ro akoto ti Kurisitö na kilele ye 'deni inza ro akilele ame ro 'ba yida ro 'ba bilaka lesi ne. Akilele ma 'beye ro 'ba Kurisitö ame koke lende kenyë ku'du 'deni piri moko. **XII** Mi bapatisi usu ye 'deni koto ti bo. Kina me kodoke 'deni gbi koto ti bo di mi tole mi ti'di doye go tigo 'ba Boko'ba ame koja bo di mi tole ne.

**XIII** Tonë pa bine kpe ngi ro toku mi lende kenyë 'be ga kinzake ro 'ba Boko'ba. Ne ma le'jete Boko'ba ididi ye 'deni ti Kurisitö. Bo ola ze 'deni go lende kenyë ze ga pili. **XIV** Kogba wali lobu tonë goze ne bo upupu 'deni pili yaga. Bo ogba 'deni ngi ko'do ti kabi romo kutoti ti Yesu do ngeri. **XV** Ti tole 'ba Kurisitö do ngeri na ka'da tigo lobu ni ti wa ma ti koozi kakpa naga 'deni pili. Oja lijë 'deni yaga bi kopo go kongo ma bo Boko'ba ka'da lijë 'deni.

**XVI** Kina me kinza boto moto kebe tilende de kpe tiye go wa ma keddi konyoke ala kuweke. Kinza boto moto ki'di ko'du de kpe ziye go lende 'ba kada ma koro ala karama 'ba nyepe la'ja ni ti kada 'ba ro kindawo. **XVII** Lijë wa naga nima pili do mbeli 'ba wa ma kedii ko'do roni naga nime na ka, ame Kurisitö na ro gogo mo ne. **XVIII** Kinza ki'dike boto moto kudoli ye de kiya te uburuke roye 'deni go kinza tumotu malayika kozo 'benni. Do kedii pele ro akileme na bo kiya te bo o'ja, do kombi abo nima ka ro ma sari. Meri

kënyë abo ma mi bo na ka'da bo 'deni. XIX Bo ope közi bo 'deni di go Kurisito ame kina ro do kanisa ne. Do na keddi kogbo yida ro pili bi koto go kpa domoso mo ga tiyöbu koto ma Boko'ba kiteri.

### *Tölë Tididi Ti Kurisito*

XX Kpe, öleke 'deni koto ti Kurisito kope ye ro do ngölö di mi dölëti ni ti kö'du ki'di. Ne go wa'di na keddi kilekike roye gba 'böwu koto iya te kpe 'ba dolijo? XXI Kö'du ki'di naga nime kiya te, "Kinza ko'do oto de ti a ma te. Kinza konyo a ma te de. Kina kinza kosa ro a ma te de gbi," ne. Eddi kuwöke domo gba go wa'di?

XXII Wa naga nime guti mo oto ko'do 'deni yo na kote e'bëni roni ngi aa bina. Lije nima pili dongala ni ti kö'du 'ba bilaka lesi na ka, kinza ki'dike e'be doye de gomo. XXIII Laka, lije inda ngi ro akikali mi toco wa go keddi ro ma kitigo mi motu gbi ti toto do beri ti gomo mo ma ko'do yida ro kpamo ko'o. Tine pele okonyi boto de koto te ta'da ako'doko kënyë 'ba yida ro.

## III

### *Ya 'Ba Boko'ba*

I Oja ye 'deni yaga di mi töle mi didi ti Kurisito. Kina i'dike doki'di ye ti go wa ame ga mitoro ti Kurisito bi ame bo koloma 'deni ro bo domo do dori Boko'ba ne. II A 'ba mitoro na 'do kiterike, kinza kiterike 'ba dolijo nime de. III Römöyi öleke 'deni tine eddike 'deni ro toloma ti Kurisito komo Boko'ba. IV Kina oto koja Kurisito bo tididi ye 'deni keddi kileme yaga ti kotoke koto ti bo mi löbu abo.

<sup>V</sup> Kina wa ame ga pili miye ro 'ba dolijo nime ne upoke ti koteke domo 'doyi yaga. Lije yeri ni ti ndoro mo ti komo kilē'di ma kenyē, ti kodi ti mi kombi ni ame na ro tumotu a ma yawa kinza ro Boko'ba ne. <sup>VI</sup> Ame go lende mo ya 'ba Boko'ba kedi kako do kole ma kinza koro lende abo ne. <sup>VII</sup> Tone pa bine kpe olomake gbi yimo to'do mo.

<sup>VIII</sup> Tine ma le'jete iyeseke lije pili yaga, 'diri ni ti doki'di kenyē ti go'de'de ti dokosi ti kpa kumu. <sup>IX</sup> Kinza kunzoke beti de kpe zi lepi moto. Romoyi kine ma molo tone olake 'deni yaga ti a ma kenyē mo ga. <sup>X</sup> Tine le'jete olake kine ma la'ja 'deni roye. Boko'ba na ko'ba abo kina me bo kedi kilejo ye 'deni nduwē to'bo nburu kozo kine bo tikali bo ro ma laka. <sup>XI</sup> Kina me a moto inza kpe ziye ro bo lowo ala Yudayi, ma kilele ala ma kinza kilele, ma koloma ngi kozo a 'ba moko naga tara ala ma kinza meri, atoli ala ma kinza ro atoli. Tine ma ro do kiteli mo Kurisitō na 'deni pili miye.

<sup>XII</sup> Kpe na ro bilaka 'ba Boko'ba ame ga bo ko'o kigeli 'deni ro 'ba bo ne. Kina olake kine ma la'ja 'ba mi keyi ni ti komo kele ko'do ti, ti loma liya kinza do kombi ti lende liya. <sup>XIII</sup> Osake lende konya 'ba lepi ye ga le roye kolake lije go wa ma lije kirasi ziye. Boko'ba ola ye 'deni go lende kenyē kina 'do kolake lepi ye ga gbi tara. <sup>XIV</sup> Ma ro do kiteli mo inda'bake ako'o romoyi ako'o na kodo'bo wa pili mi koto.

<sup>XV</sup> Lende keyi 'ba Kurisitō nime bo ki'di ne kokoko ye romoyi gomo na me bo kideki ye 'deni ko'de ye ro kupō koto. Oboke ti tileki yē'di zi Boko'ba. <sup>XVI</sup> I'dike laja 'ba Kurisitō koloma

kalo miye kiyandike roye ro go roye ti akikali mo ki'dike komo kandi mo ti toba ngala ti akilölu ame ro 'ba Nyi Koto Laka ne. Ilöluke Boko'ba ti mi koto kilekike ye'di zi bo. <sup>XVII</sup> Wa pili ame ga keddi ko'doke ala pele ro ndobo ala bo ro lende kiya, o'doke ti moyi nere Yesu kilekike ye'di mo zi 'bu ze Boko'ba go lende abo.

### *Loma Ma Laka*

<sup>XVIII</sup> Kpe 'ja, uwöke do me'de ye ga. Römöyi na tara ziye kpe ame 'deni ro akoto ti Kurisito ne.

<sup>XIX</sup> Kpe me'de, o'oke 'ja 'be ga. Tine kinza ko'bo de ti mugu kinyawo.

<sup>XX</sup> Kpe kole ni, uwöke do bo koyo ye ga mi wa 'doyi. Römöyi ziye 'do to'do mo te na ti kiyeyi doki'di Kurisito nere ze.

<sup>XXI</sup> Kpe 'bu, kinza kogbake doki'di kole de kulowo, kinza doki'di nni kidaki ra.

<sup>XXII</sup> Kpe atöli, uwöke do bo doye ga ame mi dolingo bine ne nduwö. Kinza ko'doke ndobo de nge di ronni tu'bolu komonni timo. Tine o'doke ti doki'di ye pili toro Boko'ba. <sup>XXIII</sup> Mi ndobo 'bi o'do ti doki'di koto koto eddi ko'do zi Kurisito, tine inza zi bilaka lesi. <sup>XXIV</sup> Kina bo na ti kopi bi gomo 'ba royi ziyi ro yeyi mo tone Boko'ba kose molo ne. Römöyi Kurisito na ro nere bo doye pili. <sup>XXV</sup> Bo ame ro bo lende kenyé ne ti ko'ja kpa kosi 'ba gomo gbi. Römöyi Boko'ba edi ko'do bure 'ba bilaka pili ro ma koriya.



## IV

<sup>I</sup> Kpe bɔ dɔ atɔli ni, o'dɔke atɔli 'be ga laka rɔmɔyɔ kpe ɛddike gbɔ ti bɔ mɔtɔ mbiri dɔye rɔ ɲere mitɔrɔ.

### *Tocɔ To'dɔ Lende Laka*

<sup>II</sup> Kpe pili ɔ'bɔke ɲburu ti mɔtu ko'dɔ ti bi koda ti tileki yɛɛ'di zi Bɔko'ba. <sup>III</sup> Kina ititike Bɔko'ba gɔze 'dɔ ki'di do'ja kɔri 'ba 'dɔ tuwɔwɔ lende kusu 'ba Kurisitɔ nime kileme ra zize ne. Gɔ kɔ'du mo na me le'jete ma mi maboso. <sup>IV</sup> Kina ititike bo gbɔ gɔma 'dɔ miya lende nime rɔ ma kodɔrɔ rɔmɔyɔ ndɔbɔ ma 'bama mo na.

<sup>V</sup> Mi ndɔbɔ ko'dɔ 'be mi lɔɲgɔ bilaka ma kinza rɔ 'ba kanisa naga nima o'dɔke ti lende kikali mo. Tine ɔdɔ kari kila'ba ra zi'yi mɔtɔ kɔzɔ gɔ kele naga tara iyɛti lende 'ba Bɔko'ba liki zinni.

<sup>VI</sup> Ilende rɔ ma koɲmi zinni tine i'di tiko'dɔ kpɛyi kina ti kikalike ɲgi tileki dɔ akiriti mo ga laka.

### *Ndose Ma ɲburunburu*

<sup>VII</sup> Bɔ lɔndɔ ze Tukikɔ ma dɔ'ɔ kulɔwɔ nime ti kari kiyɛti lende ma 'jaa pili ziye. Bo na ko'dɔ ndɔbɔ nime 'deni kɔtɔ tize mi toja laja 'ba Kurisitɔ ɲere ze ti dɔki'di kɔtɔ. <sup>VIII</sup> Gɔ kɔ'du mo na me mɛdi moja bo kari ziye towawa dɔ mbili ye tiya mo ziye ma dɛdi tondo kina gbɔ tocɔ ye mi lende 'ba Bɔko'ba. <sup>IX</sup> Onesimo bɔ lɔndɔ ze mɔtɔ ame rɔ lɛpi ye dɔ'ɔ gbɔ kulɔwɔ kɛdi ko'dɔ ndɔbɔ nime ti mi kɛyi ne ɛdi kari kɔtɔ ti Tukikɔ. Lijɛ ti kiyɛti wa ame ga pili kɛdi ko'dɔ rɔnni bine ne ziye.

<sup>X</sup> Aritaroko ame kɛdi tɔ mi maboso bine ne umɔtɔ ye gbɔ pili. Marako bɔ lano 'ba Baranaba ni tɔnɛ umɔtɔ ye gbɔ. Momeri 'bama ndose abo

ti kōmō 'deni ziye yayi ame go konḡoke go bo laka ko'doke ḡba rō bo ɔdɔ bo kōmō ziye yayi ne. <sup>XI</sup> Yēsuwa ame kīdēkī ḡbī rō Yoseto ne umōtō ye ḡbī. Lījē ya mota naga nime na ḡge rō Yudayi ma kēdī ko'dɔ ndɔbɔ tō mī tiyandi lende 'ba ḡere lōbu 'ba Boko'ba. Lījē nime ogbɔ ma ḡḡi sowa.

<sup>XII</sup> Epapora ma tōnē rō lēpī ye bɔ ndɔbɔ 'ba Kurīsītō ne umōtō ye pili. Bo ɔ'bō ḡburu tumōtu ḡoye tititi Boko'ba 'dɔ kokɔnyi ye tɔrɔ kitigɔ kandike mī to'dɔ ako'dokɔ 'ba Boko'ba ti dōkī'dī kɔtɔ. <sup>XIII</sup> Topi rō bo nime kulōwō ḡoye ḡbī ti bilaka 'ba Lodikiya ni ti 'ba Irapoli ne mo'ja ḡḡi.

<sup>XIV</sup> Luka bɔ kikali dɔ wɔwɔ ze ma dɔ'ɔ kulōwō nime umōtō ye pili lījē ti Dema.

<sup>XV</sup> Ma 'bama na me, umōtōke lōndō ma Lodikiya pili ḡbī ti Nyamba ti bilaka ame ga pili kēdī kototo kpēnnī bī mōtu liḡɔ 'bēnī ne.

<sup>XVI</sup> ɔdɔ kīdēkīke waraga nime 'deni kote ojake ḡbī kari Lodikiya 'dɔ kari kīdēkī zi kanisa ma yayi. Kina ti lījē koja waraga ma 'bēnnī ḡbī kako ziye. <sup>XVII</sup> Iyake ndose ma nime zi Akipo te, “Omeri ndɔbɔ lōbu nime Kurīsītō ḡere ze ki'di yi kpamo 'dɔ koto ko dɔ 'bō mo ne.”

<sup>XVIII</sup> Ma Pɔlo mugu mōtō ma nime ziye ko ti kōzō. Kinza ki'dike lende 'ba toboso ma nime dē kudōlu di dɔye. Lende kēyī 'ba Boko'ba koloma tiye.

**Ndose Kɔɔ Laka, Buku 'ba Tisaki ni Tɔɔ  
to Lömu La'ja 'Ba Yësu Kurisitö Nere Ze  
Jur Modo: Ndose Kɔɔ Laka, Buku 'ba Tisaki ni Tɔɔ  
to Lömu La'ja 'Ba Yësu Kurisitö Nere Ze New  
Testament+**

copyright © 1998 Wycliffe Bible Translators, Inc.

Language: (Jur Modo)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

4cdbc69b-5207-55d8-8df2-e743cba8dc07